

جَزَائِر مَحَاكِمَت

جمعه ایرتسی

نومرو	صفر	سنه	ایلول	سنه	صحیفه
۵۶۵	۱۳	۱۳۰۸	۱۵	۱۳۰۶	۸۱۵۹

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حسابیه التمش غروشدر . طشره لر ایچون اون بش غروش پوسته اجر قی ضم اولنور . بهر)
 (نسخہ سی بنه مجیدیه یکر می غروش اولق اوزره یوز باره یه هر یر ده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظا رقی)
 (داتره سنده کائن جریده محاکم اداره سنه مراجعت ایلملیدر)

قسمت رسمی

دواتر عدلیه حاصلاته مخصوص بولار ایله
 اوراق متفرعه سنک محاکم عدلیه سی تشکل ایتیان
 فضا لده التزام سنداته مخصوص اولق اوزره
 مقاولات محرر لکی وظیفه سی ایضا ایتیکده اولان
 تحریرات کاتبرینه دخی ارسالی لازم کلوب
 کلیه جکی بعض محلدن استفسار اولنمی اوزرینه
 کیفیت انجمن اداره عدلیه یه لدی الحواله تشکیلات
 عدلیه سی اجرا اولنمیان فضا لده یالکز التزام
 سنداته مخصوص اولق و مقاولات محرر لک
 مکلف اولدقلری وظائف و احواله توفیق حرکت

(فی ۳ صفر سنه ۳۰۸ وفی ۶ ایلول)
 (سنه ۳۰۶ تاریخنده عموم ولایات استیناف)
 (محکمه سی مدعی عمومی لینه و مدعی عمومی)
 (بولنمیان محلل مدعی عمومی معاونلر یله دفتر دار)
 (و محاسبه جیلاکاره یازیلان تحریرات عمومی)
 (صورتیدر)

ترقیم قلندی .

ایتمک شرطیه مقاولات امورینک مجلس اداره
باش کاتبلرینه و مخصوصاً باش کاتب بولنمیان
محللرده تحریرات مدیر و یا کاتبلرینه علاوه
مأموریت اولنسی فی ۱۳ تموز سنه ۳۰۶
تاریخی اراده علیه اقتضاسندن بولندیگی کبی
بوقوله قضاارده وقوعبولان حاصلاتک حادثات
قسمندن ماعدامی نظارت وزنه سنه تسبیار قلمقده
اولسنه و تحریرات و یا مجلس اداره باش کاتبلری
محررلرینک مکلف اولدقلری وظائیک بر قسمتی
ایضایه مأمور و مأذون اولدقلرینه نظراً حاصلاتک
حسن جبایقی و سوء استعمالتک منعی مقصدینی
وقایه بویه تشکیلات عدلیه دن مستثنا اولان
محللرک مقاولات امورینی رؤیت ایدن کاتبلرده
مال مأمورلری طرفندن پول ارسالی و بونلر
طرفندن مرتب پول جدولیه حادثات سنداتک
فضله حاصلات اواسون اولسون احکام تعلیماته
توفیقاً ما بماء تنظیم ایله مدعی عمومی معاونلرینه
اسبالی لزومی افاده و لازم کالانلره تبلیغ کیفیت
اولنقی اوزره اشبو تحریراتک نسخ مطبوعه
کافیه و مصدقه سی لفاً فرستاده قلنش اولغله ایضای
مقتضاسی مخصوصه همت اولنسی سیاقنده شقه

(فی ۶ صفر سنه ۳۰۸ و فی ۸ ایلول)
(سنه ۳۰۶ تاریخنده عموم ولایات استیناف)
(محکمه سی مدعی عمومیلکربنه و مدعی عمومی)
(بولنمیان محللرمدعی عمومی معاونلرینه یازیلان)
(تحریرات عمومیه صورتیدر)

توتون قیچقیلغندن طولایی حبسی لازمکلان
اشخاصه بومی بشر غروش مصارف احاشه
ورلسی قیچقیلغنی نزیده سبب اوله بیله جکینه
واو مقوله لک حبسی حقلمنده بر جزا دیمک
اوله جغنه نظراً بعدما قیچقیلغندن طولایی حبس
اولنه جق کسانه سائر محبوسین ایچون و بریلان
اتمک مقداری وجهله نازعین اعطاسی و ائمانندن
اوج ربعنک رژی اداره سندن و بر ربعنک دخی
محاکمه مائد جزای نقدیدن تسویه سی خصوصنه
مجلس مخصوص وکلایه قرار و یریلرک کیفیتک

مأمورین بلدیهدن و صنوف سازیه
منسوب مأموریندن اموال بلدیهدن ذمتنه پکورتلر
ایله آخرک ذمتنه پکمسنه مساعده ایدنلر و مغایر
قانون اوله رقی صرف ایدنلر حقلمنده جزا قانونک
اموال امیرییه دائر اولان موادی احکامنه توفیقاً
ترتیب جزا اولنه جقددر .

فی ۳۰ محرم سنه ۳۰۸
وفی ۳ ایلول سنه ۳۰۶

داخلیه و مالیه نظارت جلیله لرینه تبلیغ و اشعار
بیورلدیغی بیان مالیه عدلیه جه دخی بره وجب
قرار ایضای مقتضاسی فی ۱۸ محرم سنه ۳۰۸
وفی ۲۲ اغستوس سنه ۳۰۶ تاریخیه شرفوارد
اولان تذکره سامیده امر و اشعار بیورلمش
و کیفیت هرطرفه تعمیم و تبلیغ ایتدیریلرک اشبو
تحریراتک نسخ کافیه سی لفاً طرف شریفلرینه
کوندلرلش اولغله موجبیه اجرای ایجابی
خصوصنه اهتئا اولنسی سیاقنده .

(طشره بلدیهدن قانوننامه سنه تدبیل اولنقی)
(اوزره قله النوب مرعیت احکامنه بالاستیدان)
(اراده سنیه جناب پادشاهی شرفعلیق)
(بیوریلان قتره قانونیه صورتیدر)

(سرسری و مظنه سوء اولان اشخاص حقنده)
(قله النوب مرعیت احکامنه بالاستیدان)

(اراده سنیة جناب پادشاهی شرفعلی)
(بیورلش اولان نظامنامه صوزتیدر)

برنجی ماده هیچ بر کار و کسب ایله مشغول اولماق و معین و دائمی اقامتگاهلری بولماقله برابر تعیش و اداره لر بی وسائط مشروعه ایله استحصال ایلکده اولدقلری اثبات ایدمه یوب شوراده بوراده کرمکده بولنان اشخاص سرسری و مجهول الاحوال عد اولنور .

ایکنجی ماده برنجی ماده ده ذکر اولنان سرسری مقوله سندن بشقه اولاً علی العموم جنایات و علی الخصوص قطع طریق و سرقت و اخذ و یان کسبیلک و سارقله یتعلق و طولاندر یحییلق جرائمیلله بر و یا بر قایج دفعه سابقاً محکوم اولش اولنلر و ثانیاً ضبطیه نظارتی التنده بولنانلر مظنة سوء طاقندن عد اولنور .

اوچنجی ماده سرسری طاقندن بولنانلر حقه در دنجی ماده احکامجه معامله اولندقدن صکره ضابطه طرفندن توقیف اولنهرق موقوفاً محاکمهلری اجرا اولنق اوزره ایجاب ایدن محاکم جزائیه تسلیم اولنور و عقداً الحاکم اشبحالاری

تین ایلکده حقارنده برماهدن اوچ ماهه قدر حبس جزاسیله برابر بر سنده دن ایکی سنه یه قدر ضبطیه نظارتی التنده بولنلرینه دخی حکم اولنهرق ضابطه طرفندن مملکتلرینه و یا خود سائر تنسیب و تعیین قلمه جق محله طرد و تبعید اولن بیلور .

مکرر اولان سرسریلر اوچ ماهدن برسنه یه قدر حبس جزاسیله مجازات اولنهرق ایکی سنه دن بش سنه یه قدر دخی ضابطه نك تحت نظارتنده بولندیرلغله برابر مناسب محالره طرد و تبعید ایدیلور .

دردنجی ماده اخبار و یا تواتر اوزرینه سرسری عد اولنان اشخاص محاکمه تسلیم اولنزدن اول ضابطه طرفندن جلب اولنهرق اخبارات واقعه و تحقیقات سائرده دن بو حاللری مقرون صحت اولدینگی اکلاشلدقده تعیین اولنهرق مدت طرفنده برکار و کسبه مباشرت انلری و بونی کلوب ضابطه یه خبر و یرهلری و بواسطه دخی حکومته خبر و یرمکسزین بولندقلری محلی ترك ایتمهلری لازم کله جکته دائر اول امرده کندولرینه تنبیهات اکیده اجرا اولنهرق و کیفیت تنبیه

دخی طوتیله جق ضبطامده درج و اشارت قلمه جقدر .

تنبیهات واقعه یه امثال ایتوب مدت معینه سی طرفنده بر ایشه باشلامش اولدقلری ضابطه یه بیان و تأمین ایدمه یانلر و یا خود بخود بولندقلری محلی ترك ایدنلر حقارنده اوچنجی ماده موجبنجه معامله اولنور .

بشجی ماده ایکنجی ماده نك فقره اولیسی موجبنجه انجق قطع طریق و سرقت و یانکسیجیلک جرائم سابقه لرندن طولانی مظنة سوء طاقندن عد اولنانلر حقه ضابطه عدلیه مأمورلری طرفندن تنظیم اولنهرق اخبارنامه و ضبط ورقه لری ضابطه جه نظر مطالعه یه الوندقدن صکره جلب اولنهرق کندولرینه بعدما بو بایده شبهه یی دعوت ایدجک هر کونه احوال و اطواردن مبادعت و مجانبیت انلری ضمننده تنبیهات اکیده اجرا و کیفیت تنبیه دخی مخصوصاً طوتیله جق ضبط ورقه سنه درج اولنهرق جقدر بولنردن تنبیهات واقعه یه توفیق حرکت ایتدقلری ماده و یا بعض امارات قویه ایله ضابطه جه محقق عد ایدیلانلر طوتیله جق ضبط ورقه سیله

محکمه یه تسلیم اولنهرق و محکمه جه مذکور ضبط ورقه سنك اسباب ثبوتیه دن عد اولنهرق او مقوله لرك ضابطه جه طرد و تبعیدینه قرار و یریه جقدر .

التنجی ماده درسمعات و حوالیسی اهالی دائمه سندن اولدقلری حالده اول سرسریلک و یا خود مأمورین دولت علیه یه مخالفت و عدم اطاعتدن طولانی برسنه و یا خود او امر دولت و احکام قانونیه نك اجرا سنه مخالفت ایچون صرف نفوذ و قوه مؤثره ایتکله بر آری حبس جزاسیله مقدماً محکوم اولوبده تاریخ محکمه و میتلرندن اون سنه مرور ایتماش اولنلر و ثانیاً مواقع مذکورده برکونه وسائط تعیشلری اولیانلرك ایکی سنه یی تجاوز ایدمه مامک شرطیله تعیین اولنهرق مدتیله درسمعات ایله حوالیسنده اقامتلری سیاست ضابطه طرفندن منع اولن بیلور بو بایده ضابطه جه اتخاذ اولنهرق قرار ضبطیه نظارتی طرفندن تصویب و تصدیق اولندقدن صکره اشخاص مرقومه یه تبلیغ اولنهرق قرار مذکور توفیقاً بر مدت معینه طرفنده عزیمتدن استنکاف ایدنلر حقه اقامه دعوی اولنهرق و اشبو مخالفتلری تین ایلکده محکمه نك قرار یله کندولری سکر

کوندن برآيه قدر حبس و برسندهن بش سنده
قدر ضبطيه نظارتی التده بولمق جزاسيله دخی
محکوم اوله بيله چکدر .

يدنجی ماده سرسری ومظنه سوء طاقندن
اولوبده اون درت ياشندن اشاغی اولنر حبس
جزاسيله محکوم اوله مزله يالکز يکرمی ياشنی
تکميل اينجيه قدر ضبطيه نظارتی التده
بولمق جزاسيله محکوم اوله رق کندولرینه برکسب
وصنعت تعليم ايتدیرمک وتر بيله رینه باقی اوزره
ضابطه طرفندن تأمینات اخذيله پدر ویاوالده لرینه
ویا ولی واقربا لرینه تسلیم ویاخود مملکت لرینه
دفع واعاده اولنور .

سکرنجی ماده سرسری اولملری جهتيله
ضبطيه نظارتی التده بولمق رینه حکم ایدیلان
اشخاص تبعه اجنبیه دن ایسه مدت جزایه لرینی
تکميل ایلدکدن صکره اصول جاریه سنه توفیقاً
هرحاله ضابطه طرفندن حدود ممالک شاهانه دن
اخراج وطرده اولنور .

اولوجهله طرد اولنوبده دولتك اذن
ورخصتی اولقسزین ممالک شاهانه به صودت
ایمن تبعه اجنبیه بالتوقیف محاکمه تسلیم اولندوده

ایکی ماهدن برسنده قدر حبس جزاسيله محکوم
اولور وختام جزاده دخی ینه ممالک شاهانه دن
طرد وخراج اولنور .

طغوزنجی ماده تبعه دولت علیه دن
اولوبده سرسریلک ایله مظنون ویا محکوم
اولنر محل ولادت لری اولان قریه نك اختيار مجملی
طرفندن مضبطه تقدیميله ویاخود اقربا لری ویا
تبعه دولت علیه دن اولمق اوزره معتبر بر ذاتك
كفالت مالیه سیله حكومتدن طلب اولنه ییلور .

طلب واقع ویا اعطا اولنان كفالت اساساً
حكومتجه تنسیب اولنور ایسه اشخاص مرقومه
حكومتك امر ومعرفتيله کندولرینی طلب ایتیش
اولان قریه به اعاده ویاخود كفالت ابدن
شخصك طلبی اوزرینه تخصیص اولنه حق محمله
اقامت ایتك اوزره کندوسنه تسلیم اولنور .

اشبو ماده احکامجه ویریه چك كفالتك
مقداری كفيلك استدعای اوزرینه ومدعی عمومی
استماع اولندقدن صکره محکمه جه تعیین اولنور .

اونجی ماده سرسری مقوله سندن ویاخود
مظنه سوء طاقندن اولوبده هر نه صورتله اولور

ایسه اولسون تبدیل قیافت ایتیش اولدقلری
حاله ویاخود اوزرلرنده اکه وچنکال وسائر
کلید وقیو وینجه کشاديله خرسزلق وجرائم
سائر ارتکابه و مساکین ودکا کینه دخوله مدار
اوله جق الات وادوات بولندیغی حالده
اخذ وکرفت اولنهرق اشیا ی مذکور بی اولزمان
ایچنده بر مقصد مشروعه مبنی طاشیدقلرینی اثبات
ایده میانلر الی ماهدن ایکی سنده قدر حبس
جزاسيله مجازات اولنور واوزرلرنده بولنه جق
اشیا دخی ضبط ایدیلور .

اشخاص مرقومه سالف الذکر الات
وادواتدن برینی حامل اولدقلری حالده کیجه
وقتی اخذ وکرفت اولنور ایسه جزای حبس لری
برسندهن اشاغی اولیه چقدر فقط اشیا ی مذکور
ایله برابر اوزرلرنده سلاح دخی بولنور ایسه
بولنری برکونه استعمال ایتامش ویا اخافه ده
بولنامش اولسه بيله جزا لری هر حالده ایکی سنه
اوله چقدر .

اون برنجی ماده سرسری ویاخود مظنه
سوء طاقندن اولوبده صفت وحوالارینه مناسبت
اله میه جق صورتده اوزرلرنده اموال واشیا

ظهور ایتدیگی حالده بولنرك منشأ وصورت
تدارکنی کوسسته میده رك حقیقه کندو ماللری
اولدیغنه قناعت حاصل اولدیغی حالده بومقوله لر
بر ماهدن اوچ ماهه قدر حبس جزاسيله محکوم
اولور واوزرلرنده ظهور ایدن اومقوله اموال
واشیا امانه وموقتاً حفظ اولنور .

اون ایکنجی ماده اشخاص حقنده جرح
وضرب مثللو معامله جبر وشدت اجرا ایدن ویا
اجراسنه تصدی ایلان سرسریلر ایکی سنده دن
اقل اولماق اوزره حبس جزاسيله محکوم اولور
فقط ارتکاب ایدیلان فعلك نوع وصورت
وقوعی قانوناً ده شدد بر جزای مستلزم ایسه
فاعلی حقنده اول جزا حکم اولنه چقدر .

اون اوچنجی ماده ساخته پول امری
ومرور تذکره می وپساپور طر تصنیع واستعمالنه
دائر جزا قانوننامه همايونك یوز الی التجی
ویوز الی یانجی ماده لرنده کوستریلان افعال
جرمیه سرسری ومظنه سوء طاقندن بولنانلر
طرفندن وقوعه کتوریلور ایسه حق لرنده مادتين
مذکوره تینده مسطور اولان جزا لرك حد
انتها سیله اجرای مجازات اولنور .

اون در دنجی ماده اونجی و اون برنجی
واون ایکنجی واون اوچنجی ماده لوده کوستریلان
جزائر ایله محکوم اولان اشخاص هر حالده مدت
جزایه لرینی تکمیل ایلدکن صکره برسنه دن
یش سنه یه قدر ضبطیه نظارتی التنده بولمق
جزاسیله دخی محکوم اوله جقدر .

اون بشنجی ماده داخلیه وعدلیه نظارتلری
اشبو نظامنامه نك اجرا سنه مأموردر .

فی ۳ صفر سنه ۳۰۸

فی ۶ ایلول سنه ۳۰۶

(در سعادت بانقده سی نظامات اساسیه سنجه)
(اجرا اولنوب مرعیت احکامنه بالاسنیدان)
(اراده سنیه جناب پادشاهی شرفعلی)
(بیوریلان تعدیلات صورتیدر)

« ایکنجی ماده »

قره ثانیه هر نوع تحویلات میریه بی وصنعت
وتجارته و صرافلغه متعلق تشبثانده چیقاریله حق
حصه و تحویلاتی و بین التجار تداول ایدن
تحویلات سائره بی کرک بشین و کرک وعده ایله
مبايعه و فروخت ایتک .

قره سادسه کرک کندی حسابنه و کرک
آخرک وکیل صفیله نظاماً ممنوع اولیان هر درلو
محصولات و امتعه و اشیا ایله سفائن حوله لرینی
مبايعه و فروخت و بونلرک اوزرینه ایچه اقراض
ایتک و تأمینات ایله و یا خود تأمیناتسز اوله رق
حساب جاری صورتیه قره دی آچق .

قره هاشره علی العموم بر شرکت صرافیه
وتجاریه وظائفی داخلنده بولسان معاملات
اساسیه و متفرعاتی اجرا ایتک خصوصاً باندن
عبارتدر .

« اون بشنجی ماده »

شرکتک امور و مصالحی در سعادتده اقامت
و بش سنه مدته ایضای مأموریت ایتک اوزره
لااقل درت اعضادن مرکب بر مجلس معرفتیه
اداره اولنه حق و مجلس مذکور اعضایی ختام
مأموریتلرنده بتکرار انتخاب اولنه یله جکدر .

مجلس اداره اعضاسنک عددی هر نه وقت
اولور ایسه اولسون تزید اولنه بیلور انجق
یکیدن تعیین اولنه حق اعضا و اعضا قدیمه
صددینک بر مثلندن یعنی درت نفردن زیاده
اوله میه جقدر و جمعیت عمومیه طرفندن قبول
و تصدیق اولندقجه ایضای مأموریته مباشرت
ایده میه جکدر در اعضای جدیده اشبو نظامنامه نك
یکرمنجی ماده سی موجبجه شرکت امورینک
تسویه سنه حصر اوقات ایتک قدیمیه مقید
اولیوب انجق اداره مجلس سنه دعوت اولندقجه
حاضر بولنه رق بیان رأی و مطالبه
ایده جکدر .

« اون التنجی ماده »

مجلس اداره اعضاسنک برینک وفاتی

و یا استعقایی و یا خود بر مانع طبیعیهی ظهورنده
رققای سائره سی آنک یرینه دیگرینی انتخاب
ایده یله جکدر و بو انتخابی لاجل التصدیق
حصه دارانک جمعیت عمومیه سنه عرض
ایلیه جکدر .

« اون طقوزنجی ماده »

مجلس اداره اعضاسنک هر برینک ایضای
مأموریته مباشرت ایتزدن اولجه و بتون مدت
مأموریتی ظرفنده ایکوز الی حصه یه مالک
اولمی لازمه دندر مذکور حصه لر شرکت
صندوقنده حفظ اولنوب صاحبیه مأموریتندن
چیقاجنی سنه ده وقوعه بولنه حق جمعیت عمومیه دن
ودفتر عمومینک تصدیقندن صکره رد و اعاده
قلنه جقدر .

« یکرمی برنجی ماده »

چله خامسه مجلس اداره در سعادتده امور
شرکتک اداره عمومیه سنه و بانقده نك بمالک
اجنبیه ده کی شعبه واجتنه خالهرینک اداره سنه
مقتضی ذواتی تعیین ایدر .

مجلس در سعادتده کی مدیریت عمومیه

اعضاسندن برینی توکیل و تعیین ایده بیله جیکی
کبی ممالک اجنبیه ده کی شعبه واجنته خانه لره
آذکاک اعضای مجلسدن برر مدبر بعث ونصب
ایده بیله جکدر .

— فصل خامس —

(دفاتر عمومیه و محاسبات سنویه و تقسیم تماعات)

« اوتوز اوچنجی ماده »

تماعات صافیة سنویه دن احتیاط اچمه سی
ایچون یوزده اون اخذ و افراز اولنور تماعاتک
فضله سی ذکر آتی نسبتده تقسیم ایدیلور .

اولاً یوزده سکسان سکزی حصه تماعات اولاق
اوزره حصه دارانه .

ثانیاً یوزده اون ایکسی دخی مجلس اداره
اعضاسنه توزیع ایدیلور .

مجلس اداره موجود اوله بیله جک حصه
تمتع محسوباً مناسب کوره جکی مبلغی هر سنه
کانون اولک برنجی کونی حصه دارانه توزیع
ایتکه مأذوندر .

حصه تماعات باقیسی جمعیت عمومیه دن
استحصال مأذونیت اولندقدن صکره هر سنه نک
حزیرانی اقتداسنده تأدیه ایدیه جکدر هر قنچی
حصه تمتع واجب الادا اولدیغی تاریخدن اعتباراً
بش سنه طرفنده مطالبه ایدیه جک اولور ایسه
شرکتک نفعه اوله رق ابطال ایدیلور .

احتیاط اچمه سی اشبو ماده نک برنجی
فقره سنه توفیقاً تماعات سنویه دن اخذ و افراز
اولنان مبالغک ترا کنندن ترکب ایدر .

احتیاط اچمه سی تأدیه اولنان سرمایه
شرکتک بر خسنه بالغ اولور و مجملجه لزوم
کور یلور ایسه اندن صکره یوزده اون توقیفدن
صرف نظر اولنوب فقط مذکور احتیاط
اچمه سندن صرفیات وقوع بولدقده یوزده اون
تکرار توقیف ایدیه جکدر .

برسنه نک تماعاتی شرکتک سرمایه موضوعی
اوزرینه حصه لره یوزده اتی حصه تمتع ایفاسنه
غیر کافی اولدیغی و مجلس اداره جه لزوم
کور ادیکی تقدیرده احتیاط اچمه سندن اکیال
نقصان اوله جقدر .

احتیاط اچمه سنه مالد مبالغک صورت
استعمالی مجلس اداره جه تعیین و تسویه
ایدیه جکدر .

فی ۶ صفر سنه ۳۰۸
وفی ۹ ایلول سنه ۳۰۶

(ایدیه میان تبعه صادقینی قتل و افنا ایتک)
(اوزره تشکیل ایدن جمعیت فسادیه)
(افرادندن اولدقلری و شهر ایلول رومینک)
(اون دردنجی جمعه کونی قوم قپو ارمنی)
(کلیسایسنده و اجرای آیین اشناسنده قتل)
(قصه دیله پاپاس سوکیاس افندی به روولور)
(انداخت اولنمی کیفیتنده ذیمدخل بولندقلری)
(اداسیله مظنون علیهم اولان اغوب ولد)
(حزار و فیلیوس ولد کرقرور و میناس ولد)
(قره بت و وارطان ولد قالوص و چهار سوم)
(ولد عره کل و نشان ولد سحاق و اوکیم ولد)
(ارتین و ارتین ولد اغوب و عوادیس ولد)
(اغوب و بدروس ولد کیغورق نام اون نفر)
(اشخاصک اجرا قلنسان محاکمه علیه لری)
(ضبط نامه سی صورتیدر)

قسم غیر رسمی

ممالک محروسه شاهانه نک بر قطعه سی
بالافراز ارمنستان نامیه بر اداره مستقله تشکیل
ایتک مقصد مفسد تکرانه سیله ارمنی چاعتنی
حکومت سنیه علیهنده عصیانیه تحریک و اغرا
و چاعت مرقومه دن اغفال ایدیه میان تبعه
صادقینی قتل و افنا ایتک اوزره تشکیل ایدن
جمعیت فسادیه افرادندن اولدقلری و شهر

(ممالک محروسه شاهانه دن بر قطعه سی)
(بالافراز ارمنستان نامیه بر اداره مستقله)
(تشکیل ایتک مقصد مفسد تکرانه سیله ارمنی)
(چاعتنی حکومت سنیه علیهنده عصیانیه)
(تحریک و اغرا و چاعت مرقومه دن اغفال)

ابلول رومينك اون دردنجي جمعه كوني قوم قيو
ارمني كليساسنده و اجراي آيين اثناسنده قتل
قصديله پاپاس سو كياس افندي به روو لور انداخت
اولنسي كيفيتنده ذم دخل بولندي قري اداسيله
مظنون عليهم اولان اغوب ولد حزار وفيلبوس
ولد كرقور و ميناس ولد قره بت و وارطان ولد
قالوص و چپارسوم ولد عره كل و نشان ولد
سحاق و او كيم ولد ارئين و ارئين ولد اغوب
و عواديس ولد اغوب و بدروس ولد كيفورق
نام اون نفر اشخاصك جنايتله اتهاملرينه دائر
هيئت اتهاميه دن تنظيم ايديلان في ۲ تشرين اول
سنه ۳۰۶ تاريخي مضبطه ايله استيفاي مدعي
عمومي كنك في ۲ تشرين اول سنه ۳۰۶ تاريخي
اتهامنامه سي اوراق مقررعه سيله في ۳ تشرين اول
سنه ۳۰۶ تاريخنده محكمه جنايتله توديع قلمغه
بالمطالعه اصول محاكات جزايه قانونك ايكيوز
قرق سكرنجي و ايكيوز قرق طقوزنجي ماده لرينه
توقيفاً مرقومون تاريخ مذكوره توقيفخانه دن
جلب ايله استجواب و مدافعه لرنده معاونت ايتك
اوزره برر و كيل انتخاب ايللري تكليف اولندوقده
منتخب و كيللري بولنديغني سويللرله بولردن
اغوب و فيلبوس و ميناس و ارئين و عواديس
و بدروسه مشتركاً مدافعه ايتك اوزره محكمه

زنده بولنان دعوي و كيللرندن شهري افندي ايله
عرفان بك و ديكرلرينه دخی جدي افندي و كيل
تعين ايديله رك قانون مزبورك ادعاي مفسوخيت
حقنده اولان ايكيوزاللي برنجي ماده سي مندرجاتي
اخطار قلنديغني مابين طوتيلان ضبط ورقه سي
تحت امضايه ديرلدي .

ادعاي مفسوخيت ايچون معين اولان مدت
قانونيه منقضيه اولغله مرقومونك اجراي
محاكمه لري ماه مزبورك سكرنجي بازار ايرتسي
كونه قرارلشديرلدي .

يوم مذكوره قانون مزبورك ايكيوز التمش
اوچنجي ماده سنه توقيفاً متهملر توقيفخانه دن
كتشورديله رك بولردن فيلبوس محكمه زنده
بولنان دعوي و كيللرندن كيفورق عليكساينان
و ميناس دخی عزت و وارطان دخی واسيلاكي
افنديلري اخيراً انتخاب و تعيين ايتش و جانب
محكمه دن منصوب و كيللردن عرفان بك بيان
معذرتله استعفا ايدرك يالكر اغوب و ارئين
و عواديس و بدروسك و كيل شهري و چپارسوم
و او كيم و نشانك و كيل جدي افنديلر ورود
ايتش اولدقلرندن مومي اليهم موكلرينك يانلرند

اولدقلى و مدعي عومي معاونلرندن مدوح بك
دخی حاضر بولنديغني حالده علناً اجراي محاكمه
ايتدار ايله مرقومون استجواب اولنديقلرند
بولردن اغوب بغيچه جكلي و بكرمي ايكي ياشنده
اوله رق عربله جيلق و فيلبوس دخی بكرمي ايكي
ياشنده و اكينلي اولوب اقمرايده عطارلق
و ميناس دخی ارزنجانلي و بكرمي بر ياشنده
اولديغني حالده ات ميداننده كيچيكلك و وارطان
دخی بكرمي ايكي ياشنده و واني اولوب عبود
افندي خاننده قهوه جيلك و چپارسوم دخی سيواسلي
و بكرمي ايكي ياشنده اوله رق طوغرامه جيلق

مابعدى وار

اعلان

عمر افانك در سعادت برنجي حقوق دائره سي
اعلاميله محكوم به الاجننى بولنان مبالغ معلومه كنك
تأمين استيفاسي ضمننده مديونه كنك عهده تصرفنده
اولوب تحت حجزه النان چلبى اوغلى خواجه

علاالدين محله سنك حصصى جامي زقاغنده واقع
تقريباً ايكيوز اللى التى ارشون و سعتنده ايكي
اوطه و برفسقيه و برفهوه اوچاغنى و برحلو تلى
طقسان التى زراع التى پرمق مقدارى صغوفلغني
حاوى درونى تخميناً ايكيوز يتش ايكي زراع
تريعتنده اوله رق ديكر برقورنه و صغير و كير
درت حلو تى و اوچيوز قرق زراع عرصه
اوزرينه ميني بش اوطه و برصوفه و بر مطبخ
و برادستخانه يي مشتل بر باب ابنه يي و سكسان
زراع مقدارى دولاب محلى محتوى اون التى
نومرولى اركنكر جامي ايله اليوم ارضيه
مغازه سي اوله رق ايجار ايدلمكده اولان سكر
نومرولى نساچامكك اوتوزايكي سهم اعتباريله التى
بچق سهم حصه شايعه سندن دين كفايتي اكلاشيلان
ايكي بچق حصه سي مزايديه قونيله رق ليراي
عثمانى يوز غروش حسابيله التى يك بش يوز
غروشده طالبي عهده سنده تقرر ايتش اولديغندن
بولندن زياده يه يعنى يوزده بش ضميمه طالس
اولنرك ودها زياده معلومات المقي استيفانلرك
تاريخ اعلانن اعتباراً اوتوز بركون ظرفنده
پي سورملري لازم كله جكي و مدت مذكوره كنك
انقضاسنده قرار قطعي سي كشيده قلنده جغندن
اندىن صكره ضم قبول اولميه جغني در سعادت

اعلامات نظامیه اجرا دائره سندن اعلان
اولنور .

فی ۲۹ ایلول سنه ۳۰۶

بدایت محکمه سی اجرا مأموریتی جانبدندن
اعلان اولنور .

فی ۲ تشرین اول سنه ۳۰۶

حاجی احمد افندیك ^{۲۰۸}/_۴ نومرولی اعلام
موجبجه کورجی احمد اذیه محکوم به دینی
اولان معلوم المقدار مبالغت تسویه سی ضمنده
خاصه کویده کره میدجی احمد چلبی محله سنده
اوق میدانی جاده سنده یکریمی ایکی نومرولی
بر باب خانه ده متصرف اولدیغی نصف حصه
شایعه سنك تاریخ اعلاندن اعتباراً اون بش کون
صکره بالمزایده فروخت ابتدیر یله جکی بك اوغلی

متوفاه صالحه خاتم ورثه سنك هرمن خاتم
ذمتده اسکدار محکمه شرعیه سندن ویریلان
فی ۲۷ شعبان سنه ۳۰۷ تاریخی بر قطعه
ادانه جتی موجبجه الاجقلى اولان مبالغ معلومه نك
تأمین استیفاسی ضمنده مدیونه مزبوره نك
عهده سنده اولوب مرهون وفروختی محکوم
بولنان قاضی قریه سنده قزل طپراقده طوغله جی
حاجی مصطفی افندی محله سنده واقع بش نومرو

متوفاه صالحه خاتم ورثه سنك محمد افندی
وهمشیره سی ذکبه خاتم ذمتلنده اسکدار
محکمه شرعیه سندن ویریلان فی ۱۷ جمادی الاول
سنه ۳۰۷ تاریخی بر قطعه ادانه جتی موجبجه
الاجقلى اولان مبالغ معلومه نك تأمین استیفاسی
ضمنده مدیون مزبورانك عهده لرنده اولوب
وکالت دوریه ایله مرهون وفروختی محکوم
بولنان اسکداره تابع بواقفولی قریه سنده آغیر
اوغلی زقاغنده واقع بر طرفدن بورغانجی منزل
وباغچه سی و بر طرفدن امیر علی منزلی و شکری
بك منزلی و طرفلری طریق عام ایله محدود فوقانی
وتحتانی بش اوطه وایکی صوفه وایکی کنیف
و بر کیلار و بر آخر زر شککنده بودرومی مشتمل
اون نومرو ایله مرقم بر باب ملك منزل بوندن
اول مزایده قونیه رقی لیرا یوز غروش حسابیه
بشیک بشبوز غروش بدل ایله طالبی عهده سنده
تقرر ایتش اولدیغندن یوزده بش ضمیمه بوندن
دها زیاده په طالب اولنلرک اشبو تاریخ اعلاندن
اعتباراً اوتوز بر کون ظرفنده در سعادت اعلامات
شرعیه اجرا دائره سنه مراجعت ایللری مدت
مذکوره ختامندن صکره طالبی عهده سنه معامله

فی ۲۹ صفر سنه ۳۰۸

وفی ۲ تشرین اول سنه ۳۰۶

فراغیه سی اجرا قلنه جغی دائره مذ کورهدن
اعلان اولنور .

فی ۶ تشرین اول سنه ۳۰۶

پایشه خانک برنجی حقوق دائره سندن
اعطا قلنسان اعلام موجبجه اجزاجی صراف
اوغلی اکلیا ذمشنده الاجغی بولنسان مبالغک
تسویه سیچون مدیونک مالی اولوب تحت حجزه
النان بوجه بالابش قلم اشیا اشبو تشرین اولک
اون اوچنجی ججه ابرتسی واون دردنجی یازار
واون بشنجی یازار ایرتسی کونلری بدستمانده
بالمزایده فروخت اولنده جغندن طالب اولانلرک
ایام مذ کورده ذکر اولنان محملده حاضر بولنلری
درسهادت اعلامات نظامیه اجرا دائره سندن
اعلان اولنور .

فی ۹ تشرین اول سنه ۳۰۶

جنس اشیا

عدد	
۳۸	اجزا محافظه ووضعه مخصوص کناری
	یالیزیلی صغیر قوانوز مع قپاق
۱	قپاق صغیر
۳۹	اجزای محافظه ووضعه مخصوص کناری
	یالیزیلی کبیر قوانوز
۸	چامکان کبیر
۱	دستگاه جوین
۷	صغیر ماصه